

ادبیات عمومی و مخصوصه

هفته‌لق سیاسی ، ادبی ، علمی غزته‌در

جلد : ۳

سنه : ۲ ۱۳ ربيع الآخر ۱۳۳۶ جمعه ایرتسی ۲۶ کانون ثانی ۱۹۱۸ نومرو ۲۱ — ۵۲

غزل شاهانه

[فاضل محترم علی امیری افندی حضرتلری طرفندن اهدا بیورلمشدر :
یاوز سلطان سلیم خان حضرتلرینک شوغزل عاشقانه و شاهانه‌لری طوقپوشرای هایونی
کتبخانه‌سندن مأخوذدر.]

یار بزم ایتمک دیلر شاهانه بیرام ایرتسی
کم کم ایتسون شان آلوب خمخانه بیرام ایرتسی

روحه راحتلر باغشلر راح اولوب آب حیات
هجر لعلک صائی عطشانه بیرام ایرتسی

جان برجان سینه برسینه ولب برب دیلر
قانع اولماز بو کوکل برجانه بیرام ایرتسی

چون می‌نابه یساغ اولماز کورنسه ماه عید
دل دیلر لعلک میندن قانه بیرام ایرتسی

ساقیالب برب ایله جامی لعلک یادینه
صون برو نوش ایدم مردانه بیرام ایرتسی

قاشلری عیدنده صاغلو صوللو خنجر طاقنوب
چشمی قان ایتمک دیلر مستانه بیرام ایرتسی